



Jus muhtumat ožžot dohkkehuvvot sierra vuoigatvuođaid, váikkuha dat earáide. Dat lea stuorra ovddasvástádus, lohká Jan Olli. Govva: Eirik Palm

Unjárga-ášši Alimusrievttis

Dán vahku álgá Unjárga-ášši Alimusrievttis. FeFo:i ii leat mearrideaddjin gii vuoitá, muhto ahte vuoigatvuođat ja dakko prinsihpat mearriduvvojit Norgga alimus duopmostuolus.

Go Unjárga-ášši meannuduvvo plenumáššin Alimusrievttis čájeha dat man prinsihpalaččat deatalaš ášši lea, ja dasto ahte lea riekta go ášši mearriduvvo Norggas alimus riektevuogádagas.



FeFo válljii guoddalit meahcceduopmostuolu duomu, mii celkui ođđajagimánu 23. beaivvi 2017:s, danne go leat mearkašupmi sihke Finnmarkkokommišuvnna bargui ovddosguvlui, duođaštusbuktimii ja FeFo bargovugiide boahhtevaš áššiin.

«Lea ášši mas soitet leat stuorra váikkuhusat olles Finnmarkkui. FeFo:s eai leat makkárga iežasberoštumit. Jus soapmása rivttiid dohkkeheamis lea boasttu vuodđu, de lea muhtun gii massá vuoigatvuodaidis. Lea stuorra ovddasvástáduš, ja mii áigut leat sihkkarat ahte lea riektá», lohká direktivra Jan Olli.

Finnmarkkokommišuvdna konkluderii raporttastis 2013:s ahte báikkálaš álbmogis lea iešheanalaš-, muhto eai sierranas geavahanvuoigatvuodát nággoguvllus, mii lea sullii 400 kvadráhtakilomehtera viiddis. FeFo galggai kommišuvnna raportta mielde hálldašit vuoigatvuodaid Finnmarkkulága rámmaid siskkoalbe. Meahcceduopmostuollu gávnnašii nuppe láhkái ja váldokonklusuvdna doppe lei ahte gilisearvvis lei stivrenriekti nággoguvllu valljodagaide.

FeFo oaivvilda dasa lassin ahte mearráduš Alimusrievttis nanne boahhte áiggi hálldašeaddji legitimitehta, gii ihkinassii dat šattaš. Dasa lassin jaskkodahtá dat Finnmarkku riektediliid.

«Go alimusriekti vállje meannudit Unjárga-ášši plenumas, lea dat danne go lea ášši mas lea prinsihpalaš mearkašupmi dasa movt eará áššit galget meannuduvvot», lohká Olli.

Alimusriekti lea várren čieža beaivvi áššái, mii álgá ođđajagimánu 17. beaivvi.

Dás gávnnaš duogášdieđuid Unjárggaášši birra:

[Finnmarkkokommišuvdna: 2. Guovllu raporta, Unjárga](#)

[Unjárggaášši duopmu, Finnmarkku meahcceduopmostuollu](#)

[Alimusrievtti proseassačálus 1](#)

[Alimusrievtti proseassačálus 2](#)



KONTAKTPERSON / GULAHALLANOLMMOŠ:

Jan Olli, direktvra, tlf. 958 20 286

Eirik Palm, kommunikašuvnna ja servodatoktavuođa jođiheadjji, tlf. 976 19 594

Čuovo min

